



Founga ke te hao mo malu Lolotonga 'a e mofuike

Ko e taimi 'oku lolotonga lulu ai 'a e fonua...


To ki he kelekele...



Pulou...



Tatali si'i...



Founga ke te hao mo malu ai lolotonga ha mofuike

★ **‘Oua e lele lolotonga e lulu a mofuike.**



Ko e lahi taha ‘o e ngaahi lavelavea’ ‘oku hoko koe’uhi’ ko e ngaahi me’a pe naunau ‘oku ngangana’, ‘o ‘ikai koe holo ‘a e ngaahi fale

★ **To ki he faliki, pulou pea tatali si’i ‘i lalo ‘i ha lalo tesi pe tepile.**

Nofo ‘i he lalo tepile kae ‘oua kuo tu’u e ngalulu.

★ **Kapau ‘oku ke ‘i ha feitu’u ‘oku ‘ikai ‘i ai ha tepile, punou o hanoku ki lalo!**

Feinga ke ke hu ‘i ha lalo me’a pe ‘unu ki ha tafa’aki ‘o ha me’a ke ke toi ai. Ko e fakakaukau lelei taha’ ke ke hu i lalo ‘i ha tesi pe tepile. Ta’utu o falala ki he holisi i loto fale. Punou he tafa’aki ‘o ha ‘u naunau fale pe sikesike he vaha’a ‘o ha ongo ‘otu sea ‘i he falelotu’, fale faiva’ pe fai’anga sipoti pe ko ha’o ofi pe toitoi i lalo ‘i ha saliate fa’o’anga fakatau.



★ **Kapau ‘oku ke ‘i tu’a ‘i ha feitu’u ‘oku ‘ata, nofo ma’u ai.** Ta’utu, fakapulou ho ‘ulu ‘aki ho uma.

★ **Kapau ‘oku ke ‘i tu’a, ka ‘oku ke ofi ki ha fale, ‘unu ke mama’o mei he fale ke ke mavahe mei ha ngangana ha ‘u me’a sio’ata pe ko ha toe me’a pe.** Koe ‘elia ofi taha ‘i tu’a ki he falenofo’anga’ ‘oku ui ia koe “feitu’u fakatu’utamaki”.

★ **FAKATOKANGA’I:** Ko e matapa hu’anga’ ‘oku ‘IKAI ko ha feitu’u lelei ia ke te ‘i ai lolotonga ‘a e mofuike. ‘Oku faingata’a ke te nofo he matapa hu’anga lolotonga e lulu ‘a e mofuike pea ko e matapa ‘e malava ke ne fakatupu ha lavea ‘i he’ene toutou ava mo mapuni lolotonga ‘ae lulu ‘ae mofuike.